

溧陽縣志



溧陽縣志卷十一

人物志

古爵秩

案五等之封為爵百官之品為秩此即舊縣志之封爵仕宦也但舊縣志封溧陽者為封

爵封他邑者為仕宦今則以類區分而悉歸之於爵其自吳晉至宋元文武官階出身無考難以敘入選舉志者今悉歸之於秩又古爵秩中別有列傳之人此處注脚從略惟無傳者始加詳焉封蔭仿此

爵

西漢

劉欽

據建康金陵志劉欽及子畢並溧陽侯舊縣志云元帝時封今梁城湖一帶是其封國遺址今

案此本前漢書王子侯表詳見疑辨

東漢

史崇

據史侯廟貞觀碑及建康金陵志治行傳建武中除右將軍青冀二州刺史加驃騎將軍封溧

溧陽縣志

卷十一

人物志

古爵

一

陽縣侯謚曰壯見名宦

○案下四史所據並同

史

顯

崇子元和元年襲爵謚曰文見孝行

史茅

字德英顯子元初三年襲爵除尚書遷侍中轉鎮西將軍雍州牧宰治得宜寬猛相濟聲譽播

于歌謠元嘉元年薨年八十七謚曰頃
○案建康志作年六十七今據碑改

史洽

字君普茅子本初元年襲爵除河內太守轉司隸校尉雍州刺史羽儀當世骨鯁一時承壽二

年薨年六十一謚曰成○案建康志作年八十一謚曰戴今據碑改

史澤

字素廣洽子延熹元年襲爵除左中郎將轉上郡太守遷御史大夫正色立朝貴戚斂手建甯

三年薨年七十七謚曰節○案建康志作年七十一今據碑改

陶

謙

據後漢書本傳字恭祖丹陽人少仕

州郡四遷為車騎將軍張溫司馬西討邊章會徐州黃巾起以謙為徐州刺史擊走之時李傕郭汜作亂關中四方斷絕謙每遣使間行奉貢西京詔遷徐州牧加安東將軍封溧陽侯初平四年曹操擊謙破彭城傳陽謙退保鄆與平元年操復擊謙略定數縣謙懼不免欲走歸丹陽會張邈迎呂布據兖州操還擊布是歲謙病死又三國魏志本傳裴注引吳書云謙死時年六十三張昭等為之哀辭曰猗歟使君君侯將軍膺秉懿德允武



允文體足剛直守以溫仁令舒及盧遺愛于民牧幽暨徐甘棠是均憬憬夷豸賴侯以清蠹蠹妖寇匪侯不甯唯帝念績爵命以章既收且侯啟土溧陽遂升上將受號安東將平世難社稷是崇降年不永奄忽殂薨喪覆失恃民知困窮曾不旬日五郡潰崩哀我人斯將誰仰憑追思靡及仰叫皇穹嗚呼哀哉謙二子商應皆不仕

孫吳

朱然 據舊縣志以敗蜀功封永安侯今案此本三國吳志本傳詳見疑辨

潘璋 據三國吳志本傳字文珪東郡發干人孫權為遷豫章西安長寇不入境轉領建昌加武猛校尉合肥之役以敢戰拜偏將軍權取荊州拜璋固陵郡太守振

威將軍封溧陽侯後與陸遜拒蜀夷陵部下斬其護軍馮習等拜平北將軍襄陽太守權稱尊號拜右將軍嘉

禾三年卒子平以無行徙會稽璋妻居建業賜田宅復客五十家

芮元 據三國志潘濬傳注元丹陽人封溧陽侯

全 據吳志全夫人傳立為皇后以尚為城門校尉封都亭侯進封永平侯錄尚書事時全氏侯有五人並典兵馬貴盛莫及後全擇

全端等降魏全熙謀泄見殺由是衰弱會孫綝廢亮為會稽王又黜為侯官侯夫人隨之國尚將家屬徙零陵

溧陽縣志

卷十一

人物志 古爵

一一

迫見 何洪 據吳志何姬傳姬丹陽句容人孫權

召人以賜子和生男即皓也皓即位尊姬為皇太后封弟洪永平侯蔣溧陽侯植宣城侯洪卒子邈嗣

何蔣 見上○吳學濂縣志云觀基何氏係其後

何邈 見上

孫謙 據傳縣志封永安侯案今此本三國吳志孫皓傳詳見疑辨

晉

王俊 據晉書王祚傳祚孫守太子舍人封永世侯 王隱 據晉書本傳字處

針遺業西都舊事多所諳究建興中過江丞相軍諮祭酒涿郡祖納薦修晉書不報太興初典章稍備乃召隱

及郭璞俱為著作郎合撰晉史豫平王敦功賜爵平陵鄉侯後以虞預等謗斥免歸書遂不就乃依征西將軍

庾亮於武昌書成詣闕上之○案晉分永世置平陵縣非鄉也但縣本以山得名或近山一帶彼時有平陵鄉

亦未可定

梁

杜

龔

據梁書本傳岑子襄陽人太清中與諸父同歸

王僧辯討平河東王又守巴陵侯景圍之不尅遷太府

卿定州刺史仍隨僧辯生擒景將宋子仙於場浦大寶

三年龔與眾軍至石頭擊破景功最授平東將軍東揚

州刺史承聖二年討平陸納武陵王後江陵陷齊納貞

陽侯以紹梁嗣以龔為震州刺史吳興太守又除鎮南

將軍都督南豫州諸軍事南豫州刺史溧陽縣侯又加

散騎常侍鎮東大將軍後降陳霸先遇害

張彪功封永安侯今考陳書當作錢道戢戢字子韜正

相應也又其封在武帝輔政時猶是梁代餘詳見疑辨

溧陽縣志

卷十一

人物志

古爵

三

唐

史務滋

據唐書本傳宣州溧陽人宰相表天授元年

史淨滋

以司賓卿守納言建康志溧陽縣子見宦績

宋

錢時敏

據建康金陵志溧陽伯野

李朝正

志溧陽開國男舊縣志溧陽侯

元

班都察

據吳志封

明

紀廣

據舊縣志句容人景泰四年追封溧陽伯謚僖

同知也先擁睿帝至城下令開門謙與參將紀廣等不

應遂去景泰元年二千騎南侵都指揮牛璽等往禦戰

紀順甯

見

朱聰漸

據明史諸王世表

年封溧陽王嘉靖二十六年薨

朱俊楮

嘉定庶一子嘉靖

九年薨

朱充昃

恭懿一子萬曆初

謚恭懿

以上皆封於溧陽者外有劉宋時溧陽令劉休文
行永世縣事徐崇之並賜侯爵未知其或封本邑
或封他邑茲故闕之

東漢

史

鉉

據史侯廟貞觀碑及建康金陵志治行傳字安
鼎溧陽侯治子建元四年襲爵改封蘭山侯遷
冀州刺史發道德齊禮之政科條咸備立崇本抑末之
教章程具舉建安九年薨年八十五謚曰康○案下史
藻至史憲九
人所據並同

史

藻

字睿文鉉子建安
十三年襲爵志性
過人遭喪泣血服除積歲復其爵邑精
究庶事明察枉直下無謗言士無橫議

孫吳

史

嵩

字仁基藻子平越中郎將遷廣州蒼梧鬱林二
郡太守封撫陵侯食邑一千五百戶○案中郎
將秦漢舊官其孫吳平越之名蓋因事增立時江左山
越及百越之地並多寇亂嵩嘗繼守蒼梧鬱林殆有平

溧陽縣志

卷十一

人物志

古爵

四

治百越
之事耳

晉

史

爽

字孟開太守懿子吳建中校尉北中郎將五兵
尚書歸晉後本國大中正封零陵郡公食邑二
千五百戶

史

楚

字長材侍御史隱
子甯朔將軍建安

太守封安吉伯

食邑一千戶

史

韶

字子尚爽子交州
屬國都尉豫章太

守封陽羨侯食

邑一千四百戶

史

琬

字子玉武陽將軍
紹子齊王府參軍

散騎常侍輕車將軍封宜春縣
男加都亭侯食邑一千五百戶

史

諒

字叔大琬子琅邪
王府主簿右軍長

史平蘇峻有
功封常安侯

史

淵

字詠中太守晃子
松滋令遷尚書左

民郎江陽太守封祜
陽侯食邑二千戶

史

憲

字景法豫章太守
疇子尚書左民郎

建安太守封山
陰侯見宦績

唐

史子華 據舊縣志新城令處壽子封安吉侯鎮定海

〔元〕

僕文質 據舊縣志封雲中郡侯謚忠襄見孝行

以上皆邑人出封者 秩

〔孫吳〕

史 懿 據唐貞觀碑及建康金陵志治行傳字恒善蘭山侯藻子征南將軍隴西太守○案下史隱至

史 援 十人所據並同

〔晉〕

史 隱 字世逸懿弟尚書侍御史本國大中正 史 紹 字仲延懿子鎮西參軍司徒府長史

史 光 字伯朗嵩子中書侍郎遷侍中皆稱其職 史 雅 字叔安光子散騎常侍中書令陳留太守

溧陽縣志

卷十一

人物志 古秩

五

史 輝 字季明稚子積射將軍 史 晃 字明遠陽羨侯詔子輕車將軍南蠻

校尉長 史 疇 字伯倫輝子豫章太守

史 陵 字伯因常安侯諒子積射將軍左中郎將御史中丞豫章太守

史 潢 字潤達秣陽侯淵子中郎將谷梧太守 史 援 字道濟陵子甯朔將軍中郎將

〔宋〕

史 瓌 據唐書宰相世系表宰相務滋八世祖樂鄉令據史譜山陰侯憲子遷都水衛尉新安太守

〔唐〕

史 仲謨 據貞觀碑議及舊縣志越王府東閣祭酒朝散大夫常州刺史其居官恒以經術飭吏治歿葬

西山之麓後賈曾為作神道碑徐浩書李陽冰篆額惜宋末碑毀并其文不傳仲謨行實無山詳考矣

史 元道 據景龍時所立晉山陰侯史府君墓碑及史譜舊縣志仲謨子宏文館學士中散大夫太子洗

馬江州刺史○案下 史 崑 仲謨從子宣議郎太子詹事撰山陰

史崑史叔豪所據同

侯墓碑辭
甚壯麗

史叔豪
元道子
文林郎

史大燾
據善縣志及史譜疑子朝
散大夫上柱國新州司馬

史璨
據善縣志及史譜疑子朝散
大夫上騎都尉國子博士

史務滋
據唐書已見
前封爵下
史處權
據景龍碑舊縣志
及史譜大熹子潤

州江甯
縣尉
史處壽
據善縣志及史譜
大熹子朝請大夫

上柱國汝
州新城令
史擇言
據善縣志及史譜
璨子通直郎饒州

弋陽
令
史惟肖
據唐書宰相世系
表務滋子清河令

史惟則
據善縣志集賢院
待制兼直學士
史子珉
據善縣志及史譜
處權子御史中丞

史拱
據善縣志及史譜
擇言子國子祭酒
史翽
據唐書宰相世系
表務滋從曾孫御

史大夫
據肅宗本紀來瑱傳上元
元年山南東道節度使見忠節

史有則
據會昌重建司空溧陽侯廟碑朝議郎杭州臨
安縣令上柱國○案有則重建侯廟碑載本身

溧陽縣志

卷十一

人物志

古秩

六

官銜事在會昌六年舊
縣志列于南唐誤也

石晉

史萬壽
據墓碑安南將軍蔡州刺史○案建康金陵志
以萬壽墓列于司馬晉舊縣志又人南唐仕宦
均誤也其冢墓類
以為仕石晉得乙

南唐

竹夢松
據宋郭若虛圖畫見聞志作竹字建康志引作
竺案夢松嘗為東川別駕工畫人物女子宮殿

臺閣巧
絕冠代

宋

梁德六
據善縣志居簡
子常州刺史
史彥虬
據善縣志及史譜
仁宗時將仕郎太

子正字見文苑○案下史駒
至史廷佐六人所據並同
史駒
冠軍
將軍

史安泰
字伯通餘
杭縣尉
史三友
字益之徽宗時授
越州蕭山縣令

史修

建炎元年教授承節郎傳保義郎宋敕存至禮部侍郎

史廷佐

紹興三十年教授將仕郎國子助教宋敕存閻伯善據舊縣志當塗令

案下秦城至魏良臣六人所據並同

秦城

梓孫將作監簿兼兩翼軍器監簿歷

知袁州階至朝奉大夫

許仲一

字伯仁中都僉都

陳佳

尚徽宗晉陽公主授駙馬都尉今所居猶曰王贊里云

虞音

允文五世孫授朝請郎墓在高地

王朝顯

尚理宗公主授駙馬都尉今縣南駙

馬芥其墓云

魏良臣

字道弼高宗嘗稱其可屬大事累官

至參知政事見疑辨

元

史仁遂

據至元十五年劄安慶路安撫副使司提領

史文德

據至元十六年劄權桐城縣尹十八

年又劄隨軍日本勾當公事

史仁壽

據至元十六年劄安慶路安撫副使

溧陽縣志

卷十一

人物志

古秩

七

司提領十七年又劄充濶州路平陽縣尹

楊夢高

據鎮江府志將仕郎大德九年為丹

徒主簿○案吳志作丹陽誤也

史大用

據墓碑及史譜字廣才仁遂子臨川教諭

陳梅湖

據舊縣志江南宣慰司副使○案下陸秀一至彭壽之十人所據並同

陸秀一

鎮撫司

孔克齊

順帝時黃岡書院山長轉國史館編

修見文苑

梁巨

武昌縣教諭陞本府教授

梁匡

濟南府同知陞本府知府

梁瑞卿

甯國主簿

史廷瑞

國子學錄

史子成

顏克勤

趙希賢

淮孫敕主宋丞相葵祠見孝行

彭壽之

文學待詔見文苑

封蔭

文封

宋

錢戩 以子時敏贈奉直大夫見孝行

李華 以子朝正贈右朝奉郎見孝行

明

吳智通 以子璣贈平度州知州

楊文肅 以子剛贈監察御史

戴敬 以子慶祖封太常寺丞

史庸 正統十三年以子歷贈戶部主事

馬賢 成化十六年以子清贈瀋陽右衛經歷

楊佐 以子紹贈都督府經歷

繆京 以子樗贈監察御史

彭效 以子麟封烏程縣丞

史墳 宏治十一年以子學封奉直大夫戶部郎中

史祚 宏治十二年以子後贈刑科給事中

馬清 以子性魯贈兵科給事中

蔣維芳 以子德政贈兵馬司指揮

戴良祖 以子昇封評事

戴有弁 以子維城贈推官

戴大臨 以子球封通判

馬忠 以子從謙贈主事

溧陽縣志

卷十一

人物志

文封

八

馬肅 嘉靖二十九年以子狄震章贈刑部主事

狄津 以子斯彬贈郎中

狄欽 以子冲贈郎中

高百曼 以子裕贈徵仕郎苑馬寺監正

鍾倫 以子樂贈知縣

張瑛 以子翰翔贈戶部主事

徐文勝 以子齡贈徵仕郎錦衣衛經歷

朱傳 以子纁贈中書舍人

馬從言 萬曆元年以子有騏贈承德郎兵馬司指揮

史河 萬曆十二年以子繼志封戶部主事

鍾鏜 以子遐齡封知縣

楊謚 以子孟元贈太僕寺主簿

董文麒 以子愈贈僉判

陳思仁 以子善贈知縣

彭尙忠 以子之澤贈甯海知縣

陶組 以子人羣封大理評事見義行

鍾應宸 以子士榮封主事

馬震彥 萬曆三十年以子異衢贈文林郎行

唐知縣

史徐 萬曆三十年以孫繼辰贈通奉大夫

浙江布政使

史隆 萬曆三十年以子繼辰贈通奉大夫

浙江布政使

周鏞 以子侃贈文林郎 兵馬司副指揮

彭嵩 以子通贈文林郎 白水知縣見孝行

見義行

張沂 以子學周贈徵仕 郎金吾左衛經歷

呂士元 以子昌明贈戶部 郎中福建副使

葛榮春 以子允升贈 滿城知縣

史世彰 奉政大夫兗州府同知 泰昌元年以子宣政贈

史餘道 天啟元年以子孔 吉封戶科給事中

陳于臯 以子獻策封 兵科給事中

鮑可遠 以子自新封 戶部主事

潘科麟 以子曾璋 贈副使

馬負圖 以子成名 封僉事

楊光訓 以子宗簡 贈知縣

陸允華 以子禹思贈承 德郎戶部主事

國朝

陳允清 以子名夏 贈 吏部左侍郎

史樹忠 順治八年以子燧 贈布政司參議見孝行

狄呈祥 以子敬 贈 布政司參議

吳中信 以子穎 贈刑 部郎中見義行

溧陽縣志

卷十一

人物志

文封

九

費良佐 以子達 贈戶 部員外見儒林

費鈺 以子淵 贈同知

黃鳴珂 以子如瑾 贈刑 部郎中見孝行

馬中任 以子世俊 贈 侍讀見儒林

王道坤 以孫曰曾 贈參政

王家鼎 以子曰曾 贈 參政見義行

史遵六 以子颺廷 贈中憲大 夫雲南知府見孝行

魏京 以子麟徵 贈中書

吳頡 以子琇 贈 閩縣知縣

陳德慶 康熙五十一年以 子嘉猷 贈文林

郎甯鄉 知縣

狄之俊 以子琦 贈 太常寺典簿

狄宸 雍正十三年以子貽 孫 贈翰林院編修

史鶴翔 雍正十三年以子 瑗 晉贈中憲大

夫思南 知府

史隨 瑞州知府雍正十 三年以子貽儉

晉封中 憲大夫

陳嘉猷 監察御史雍正十 三年以子震 晉

贈中憲 大夫

周道 以子渾 贈文 林郎永興知縣

周維昭 乾隆二年以子世祿 贈文林郎揚州府教授

周鬢 乾隆二年以嗣子 朗 贈文林郎揚

州府

山丹

楊崖

以子良 封文 林郎陽春知縣

王祚清

以子鳳孫 贈奉 政大夫刑部郎中

黃明侗

以子秉銓 贈文 林郎靈壽知縣

呂夢禎

以子賓齋 贈修 職郎蘭溪縣丞

潘曾璋

以子麒性 贈朝 議大夫湖州知府

潘可繼

以子允敏 贈朝 議大夫廣南知府

潘秉恒

以子震洛 贈文 林郎潁州府教授

狄韶年

以孫鹿祥 贈贈 徵仕郎邳州判

費淇

以子霖 馳封修 職郎太和縣丞

史夏治

乾隆二十一年以孫載 魁 馳贈文林郎

彭紳

以子會淇 贈中 憲大夫詹事府少詹

費淵

河間府同知以子 樾 贈奉政大夫

沈樾

以子元煉 封文 林郎瀘溪知縣

陳觀

以子人文 贈文 林郎龍巖知縣

周觀

以子恒 贈 崇慶知州

彭玉書

以子朝佐 贈文 林郎羅田知縣

潘麒生

以子案鼎 贈朝 議大夫西安知府

蔣履祥

以子音 贈修職 佐郎甘泉訓導

狄瑤

以子鹿祥 贈 徵仕郎邳州判

彭實文

以子月孫 贈 滄州知州

溧陽縣志

卷十一

人物志

文封

十

任應宿

以曾孫蘭枝 晉贈光祿 大夫禮部尚書見義行

任一紳

以孫蘭枝 晉贈光 祿大夫禮部尚書

任文煒

以子蘭枝 晉贈光 祿大夫禮部尚書

史順震

以子鶴齡 封編 修乾隆十六年以

曾孫貽直

贈光祿大夫文淵 閣大學士兼吏部尚書見義行

史鶴齡

乾隆十六年以孫 貽直 贈光祿大

夫文淵閣大學

史夔

乾隆十六年以子 貽直 贈光祿大

士兼吏部尚書

繆大祿

乾隆十六年以孫 汪篔 馳贈文林

郎鳳陽

繆公端

乾隆十六年以子 汪篔 贈文林郎

鳳陽府

馬廷鼎

以子受曾贈象山 知縣乾隆十六年

又以前孫彭年

馬受曾

乾隆十六年以子 彭年 贈奉政大

政大夫宣化府同知

馬光祖

乾隆十六年以孫 珩聲 馳贈文林

府同知

馬成龍

乾隆十六年以子 珩聲 贈文林郎寶甯知縣

知縣

狄淮

乾隆十六年以子 蘭標 贈文林郎

乾隆十六年以孫蘭標 馳贈文林郎新建知縣

新建

知縣

縣知縣

見孝行

州吏目

佐郎安

周薦元

以子洎

職郎石球

教諭

晉贈中

憲大夫

周如霖

以子懷濟

贈奉直大夫

狄士迴

以孫咏麓

贈朝

狄士連

以孫樸存

贈

狄凌雲

以孫繼紳

贈

狄樞南

乾隆十六年以子

寬

贈文林郎

潘 沘

乾隆十六年以子

欽元

贈登仕

周家南

以子啟燿

贈文

周路迅

以孫懷濟

贈奉

周如霆

以子漢

晉

狄 咸

以子咏麓

贈朝

狄 辰

以子樸存

贈

狄以清

以子繼紳

贈徵

狄洵依

以子啟冬

贈文

彭 蕙

乾隆二十六年以

孫南錄

贈文

彭克信

乾隆二十六年以

子南錄

贈文林

史世昌

乾隆二十六年以

子晉

贈登仕

史朝樞

乾隆二十六年以

子揚休

贈修

史載濂

乾隆二十六年以

子悅中

贈封修

狄 畏

乾隆二十六年以

子瀛

贈修

史光遠

以子起鳴

贈文

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

周如霖

以子懷濟

贈奉直大夫

溧陽縣志

卷十一

人物志

文封

十一

林郎修

文知縣

郎修文

知縣

佐郎蔚

州吏目

職佐郎

門訓導

職郎河

間縣丞

武康

史鴻勳

以子載魁

贈文林郎

史載魁

以子崧壽

贈奉政大

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

周如霖

以子懷濟

贈奉直大夫

狄 震

以子敏

贈登仕

隆四十二年又以孫瑞
鼎加級 贈中憲大夫

郎鳳臺
知縣

中憲
大夫

王在中 乾隆四十二年以子
鳴 贈中憲大夫

佐郎廣安
司巡檢

陳世綸 以子夢琪 贈修
職郎鎮洋教諭

職佐郎蕪
湖訓導

郎觀城
知縣

觀城
知縣

狄蘭谷 以子芬 贈文
林郎新泰知縣

狄咏堦 嘉慶元年以姪夢松 贈文林郎翰林院編修

溧陽縣志

卷十一

人物志

文封

十三

費文炯 嘉慶元年以子廷堯
贈儒林郎奉天經歷

周景栻 嘉慶三年以子
牧 贈文林郎

義府
經歷

史鼎輝 嘉慶六年以子炳 贈
封修職郎興化縣教諭

潘世淳 嘉慶八年以子承武
加級 贈文林郎

辦侍讀
淵閣校理 文

狄起元 以孫皖 贈文
林郎臨穎知縣

史是郊 以子泰 贈封登仕
佐郎紹興府司獄

狄箕 以子鳳起州同加
級 封奉直大夫

狄韡 嘉慶十年以子穉
贈奉政大夫

彭永修 以子學遠
贈奉政大夫

黃華祖 乾隆四十二年以
子周鼎 贈文林

黃懷祖 乾隆四十二年以
子瑞鼎加級 贈

王鳳舞 乾隆四十二年以孫
鳴 贈中憲大夫

馬冀產 乾隆五十年以子
儒珍 贈封登仕

任端書 以子嘉春 贈奉
政大夫肅州知州

沈竣齡 乾隆五十五年以
子奕鎮 贈修

宋憲 乾隆五十五年以
孫渭 贈文林

宋瑾 乾隆五十五年以
子渭 贈文林郎

狄文輝 以孫芬 贈文
林郎新泰知縣

史蒼 以子汝杰贈奉政
大夫潞安府同知

彭鴻鑄 以子杲
贈修職郎

羅緯 嘉慶四年以子培
贈封修職郎

狄岱 以姪景通 贈
修職郎贛縣丞

潘應樞 嘉慶八年以孫承武
加級 贈文林郎

顏秉周 以子允璨 封文
林郎內閣中書協

楊淇 以子振 贈修
職郎英山教諭

狄午 以子皖 贈文
林郎臨穎知縣

狄繼紳 以孫鳳起州同加級
贈奉直大夫

狄禔 嘉慶十年以孫穉
贈奉政大夫

彭以燮 以孫學遠 贈
奉政大夫

彭勳可 嘉慶十四年以孫
程萬 贈文林

郎安慶
府教授
安慶府
教授

彭受
嘉慶十四年以子
程萬 贈文林郎

潘方穀
以子際雲 贈文
林郎 霍山知縣

潘蘭
以孫際雲 馳贈
文林郎 霍山知縣

史琮
以子泮 馳贈登仕佐
郎 龍陽縣龍潭巡檢

周姬岷
嘉慶十五年以嗣
子懷珉 馳封修

職佐郎金
山縣訓導

周景桁
嘉慶十五年以嗣
子階平 贈文林

郎柘城
知縣

周芳樞
嘉慶十五年以子
階平 馳贈文林

級 馳贈
奉直大夫

宋烺
嘉慶十五年以孫
緒布政司理問加

級 贈奉
直大夫

宋維城
嘉慶十五年以子
緒布政司理問加

王 颺
以曾孫綬 贈榮祿
大夫內閣學士兼禮
部侍郎加二級

史秉寬
以子景嗣 贈儒
林郎布政司經歷

王 皓
以孫綬 贈榮祿大
夫內閣學士兼禮部
侍郎加二級見儒林

溧陽縣志 卷十一

人物志 文封 十三

王 芑翼
以子綬 贈榮祿大
夫內閣學士兼禮部
侍郎加二級見儒林
王皓傳

王 理
以弟綬加級 馳封
朝議大夫詹事府左
春坊左庶子

狄煥綸
嘉慶十六年以子封
州同加級 封奉直大
夫 狄振緒 以子櫛
贈儒林郎直隸州同

武封

明

戴 昱
正德間以子恕贈昭
勇將軍南京飛熊衛
指揮使

濮甯五
以子勝贈
昭信校尉

國朝

唐冀昌
以子武 贈
宣武將軍

楊汝鐸
康熙十四年以子
彪 贈明威將軍

高華達
以子長善 封懷遠
將軍沂州鎮標左營
守備

周可久
康熙二十年以孫
凌 贈懷遠將軍

陝西靖邊
營遊擊

周文儒
康熙二十年以子
凌 贈懷遠將軍

陝西靖邊營遊擊

芮選 以子夢龍 贈宣武將軍

高正章 康熙二十三年以子晉 贈 武德將軍西甯衛屯田守備

高兆元 康熙二十三年以子遇 贈 武德將軍太原前衛千總

馬正國 康熙二十七年以子紹援 贈 武節將軍山東東平所屯運守備

蔣蓬鼎 以子標 贈 宣武將軍 姚榮伍 以子成 封 武畧將軍

曹國樑 雍正間以子文俊 贈 奮力 校尉江甯城守營左哨把總

文蔭

明

楔斯 以父哲篤蔭仕至 禮部尚書見宦績 普守道 以父仲淵蔭仕至 泉州通判○案舊

縣志誤作以父普顏不花蔭 今據江甯府志及普譜改正 戴昇 以嗣父慶祖蔭南京 都察院照磨見孝行

戴愈 以祖慶祖蔭 刑部檢校 劉曠 以父麟 蔭官生

溧陽縣志 卷十一

人物志 武封文蔭 古

國朝

陳鼎臣 以父名夏蔭 戶部員外郎 吳嘉稷 以父穎蔭入 監授縣丞

史奕昂 以父貽直蔭仕 至兵部侍郎 潘璘 以父祖壽河工死 事蔭入 監授業期

滿補直隸河西務 主簿陞武清縣丞 王栻 以父行儉陝西陣 亡蔭守備 特

恩改文現任雲南雲龍州知州 候補知府仍帶雲騎尉世職

武蔭

明

史瑄 以父源交趾死事 襲千戶降百戶 周通 以父聚靖難功襲 虎賁右衛指揮

周原廣 以父保飲馬河死事世 襲千戶陞指揮同知 潘庸 祖贛沐氏因氏沐 蔭南京錦衣衛使

尉承樂間授錦衣衛 百戶子杰復氏潘 潘杰 以父庸護駕北京 襲錦衣衛百戶

芮紀 以軍功世襲辰 州衛指揮使 陳興 以父夾河功襲 盧龍衛百戶

狄勲 祖成雲南楊村衛 以功世襲百戶 史繼書 以父際浙江平倭功襲錦衣衛百戶

累擢指揮同知堂上僉書管事賜飛魚服見義行史際傳 史致爵 繼書子襲百戶 累擢至指揮使

史順震 襲百戶累擢至指揮同知 虞守正 以祖瑞卿討賊功襲河州衛百戶

葛應乾 世襲會昌所千戶 虞普 世襲海豐所千戶

馮高 世襲雷州衛百戶 姚懋卿 世襲福州衛百戶

董應煬 世襲福州衛百戶 莫矜 世襲福州衛百戶

虞叔允 世襲南雄所千戶 濮勝 昭信校尉 世襲百戶

國朝

陳掖臣 以父名夏蔭 御前侍衛

宦績 案宦績祇據舊縣志及採訪新冊補續者俱不註所本以省繁文其別見碑版史集諸書與一傳而參用碑版諸書及舊志者則具載所本焉餘自忠節至完節各門均仿此

溧陽縣志 卷十一 人物志 武蔭 宦績 五

史憲字景法東漢溧陽侯崇十三世孫自崇子顯襲爵

其後常為縣人憲少有令聞咸以公輔期之晉室東遷

再徵不應制書責讓起為尚書左民郎轉建安太守郡

號難理憲下車舉善黜惡興利除害政化風行以治最

封山陰縣侯卒於會稽郡年七十二贈江州刺史永和

八年歸葬溧陽土山之乾原 據唐景龍四年史府君墓碑

史務滋唐初累吏勞遷司賓卿武后時進拜納言后詔

務滋等十人分行天下雅州刺史劉行實兄弟為侍御

史來子詢誣其反詔務滋與來俊臣雜治 據唐書本傳 務滋

欲有所平反 據顏真卿納言像贊 俊臣言務滋與囚善掩其反狀

后命俊臣并治遂自殺 據唐書本傳 真卿贊云嗚呼人方羅織我獨平反周來之徒

殺人以媚人而卒亦不免孔子曰無求生以害仁有殺身以成仁而何嘗親密乎行感又云俊臣慘刻吏柄鑿不相入當年公已矣民到于今稱遺直真卿再題案真卿墨本嚮藏永州府同知浙江史在鑛家在鑛跋語云古人作字每遇樂道勝事往往筆力倍加此卷翰墨淋漓有龍蟠鳳翥之勢蓋魯公之大節既炳燿天壤而納言相業又有古大臣風兩神默契故腕下道勁如此余素未工書漫爲臨摹神致未肖萬一耳祀鄉賢

秦梓字楚材江甯人徙溧陽登宣和六年進士第授太學錄擢樞密院編修據府志充崇政殿說書庶官兼經筵有此號矣據宋史職官志後知台州爲殿中侍御史金安節劾罷據宋史金安節傳紹興十六年以端明殿學士卒於湖州進資政殿大學士致仕恤典同參政據宋史職官志梓丞相檜兄生平歷官清要死荷優恤而宋史獨無專傳舊縣志稱其不同檜惡時有柳下司馬之目云

溧陽縣志

卷十一

人物志

宦績

其

李朝正字治表華子性剛直不苟於勢利游太學登建炎二年進士第歷敕令所刪定官知溧水縣有異政秩滿民號泣遮留知府葉夢得薦於朝被召賜對轉一官賜銀緋從民所欲命還溧水陞辭乞易所得章服封其母從之秩復滿除太府寺簿母憂服闋再除敕令所刪定官俄除戶部郎改右司紹興十五年正月戶部侍郎王鈇言被旨措置兩浙經界竊見戶部員外郎李朝正昨在溧水縣日曾措置均稅簡易而不擾至今並無詞訴乞同其措置從之遂權戶部侍郎尋奉祠起知平江府紹興二十五年卒年六十參據宋史建康金陵志表傳

楔玉立字世玉其先回紇人居楔輦河上因以爲氏至

元間有合刺普華爲廣東轉運使死事封高昌郡公諡

忠愍改葬溧陽子文質生玉立直堅哲篤朝吾列篋五

人並以江西龍興籍登進士第玉立初授翰林院待制

兼國史院編修至正中爲泉州路達魯花赤據世玉集序○案序

玉立等五人並龍興籍哲篤後遷溧陽然省府縣志五

人並入溧陽進士或高昌改葬溧陽以後子孫卽已守

家於此耳今時諸路兵亂玉立築城浚河爲扞禦計與

提舉項棣孫捐貲買穀以賑兵飢所屬得以無事仍興

起學校勤修廢政泉州人祠祀之據舊縣志後遷湖廣僉事

海北海南道肅政廉訪使在泉州時嘗考求圖志搜訪

舊聞聘寓公三山吳鑒成清源續志二十卷據世玉集序

楔哲篤字世南江西龍興籍延祐二年進士授高郵知

溧陽縣志

卷十一

人物志 宦績

七

州以中順大夫僉廣東道肅政廉訪司事被劾罷徙家

溧陽買田宅延師教子有法爲色目本族之首歷官至

工部尙書參知政事據世玉集序○哲篤題趙千里夜潮圖云風濤洶湧千堆雪拍岸翻

空倒銀闌鳳聲驚起一江秋萬里無雲挂明月贈墨士云魚胞萬杵成元玉應是柯仙得妙傳鐵硯毛錐爲密

友何時海上別回仙

楔斯哲篤子元末以父蔭知嘉定州明洪武初起授尙

寶司符寶郎再使高麗還出知河間府並以才幹著稱

七年內擢戶部侍郎晉尙書十年謫任山西布政使十

三年擢禮部尙書奏定公侯勳階之制致仕卒祀鄉賢

王頤字可宗洪武初以孝廉辟授秦甯知縣釐革蠹弊

惠政及下秩滿當去民詣闕懇留得還歿祀名宦

史彬字惟中永樂二年進士由庶吉士改知樂昌縣時
山賊爲患彬率主簿吳政討平之政舉民和興教勸學
嘗勅希聖亭以見志遷知鄭州致仕卒

史常字原亨幼善書永樂中辟授翰林院秀才預編大
典登十三年乙未科進士第據舊縣志授行人持節四方爰

暨島夷諸蕃所至有聲不辱君命據魯府右長史王可貞詩集銀漢仙槎圖

詩跋九年考最出知建甯府以廉厚自將月餘吏民懷畏

號爲賢守會朝廷遣使考察外有司使者既不滿常之

簡於禮節其同官素以不檢爲常所制者從而譖之求

其過不得得其嘗罰老引商民米贍獄囚之無家者不

立案檢送詣京師京師故舊率謂常白其實於朝當得

溧陽縣志

卷十一

人物志 宦績

六

復職常曰幸有父母雖老無恙得歸侍足矣竟不自明

而歸據揚土奇送史原亨還溧陽詩序○案詩云君子達義命不爲外物驚孳孳修其身貴賤安所遇青

蠅汚白璧自古有不慮曾參不殺人讒言令母懼直生見誣金償之亦不忤暖味須臾間光明懸竹素之子抱

風尚雍容偉儀度讀書膺薦達操節致時譽遂拜二千石分符牧黎庶所務廉與仁果得媼娶慕磷淄出煤孽

不辨亦不怒怡然返初服脫屣謝羈絆拜辭出都門春華未遲暮白雲動高興清鷺滿長路家在溧水陽行行

見鄉樹上堂悅父母下堂洽親故人生有至樂豈必貴與富念子相知舊此別何時晤洽浩纒縈懷因詩一披

露後十餘年士奇題墨竹寄之二云謝却青雲愛白雲草堂蕭散淨塵氛至今猶有閩人說廉惠何人繼史君一

別原亨踰十載超然歸去樂閒身祖侯嗣下蒼蒼畔流水青山映幅巾曾孫曰嘉字全夫

由國子生授清苑丞亦有惠政據舊縣志俱祀鄉賢

呂和字達道永樂戊子舉人署臨漳教諭改齊河訓士

以誠方嚴不苟或遺之錦繡鞍馬卻不受祭酒李時勉

雅相知重擢知興濟縣治行大章會亢旱三載和請憲
司奏蠲賦稅以活蓄黎必允乃止民咸德之考滿當去
部民周仲祥等詣闕乞留不獲擢南京禮部主事尋致
仕

楊剛字宗毅宣德間由歲貢生授萬全都司斷事有殊
績擢河南道御史巡按雲貴治尚嚴明軍民相安授四
川僉事改江西致仕孫紹字紹祖由例貢歷任湖廣布
政司經歷改南京右軍都督府經歷擢知高州府並著
治績

強珍字廷貴宋學士淵明之後有尚仁者自錢塘遷居
溧陽奉安鄉及珍父徙滄州

據舊縣志及強譜

珍以成化二年

溧陽縣志

卷十一

人物志

宦績

五

登進士第出知涇縣請減額賦民德之擢御史遼東巡
撫陳鉞等用兵啟釁方論功而敵大入匿不以聞珍往
巡按請正鉞罪弗從未幾指揮王全等誘殺朶顏衛人
珍發其狀全等俱獲罪時汪直方自矜有大功聞珍疏
怒適巡邊鉞訴珍誣已直益怒奏珍所劾皆妄詔械珍
至京謫戍遼東居三年直敗復珍官致仕宏治初起山
東副使擢大理少卿明年以右僉都御史巡撫宣府坐
不應奏留總兵官縱謙改南京右通政尋以母老乞休

據明史

仍歸溧陽卜宅終養焉

據舊縣志

繆樛字全之成化十一年進士授東陽知縣蒞事剛果
姦宄屏跡縣有隱糧詭寄樛立法丈量田畝以均賦役

民咸德之擢南京陝西道監察御史彈劾不避權貴抗論中官蔣琮不法事語侵汪直琮直黨也天子察樛忠

為殛琮案琮未嘗論死舊縣志作殛琮今仍之者誅責亦為殛不定棄市也而謫樛莒州

判官下車立辨王氏疑獄有神君之目卒於官案此傳本舊縣

志為之但舊志不言樛劾蔣琮何事以明史琮傳考之琮為南京守備奪民沙洲湖地之利為南京御史姜紹

等所劾或樛之劾琮即此一事而史略其名然琮固未嘗獲罪也久之廣洋衛指揮石文通奏琮僭殺殺人掘

聚寶山傷皇陵氣及國殺商人諸罪琮竟免死充孝陵淨軍或樛以此時亦嘗抗論而史又略之與再考馬一

龍所撰樛子希亮墓表世謂希亮曰汝父幼太監蔣琮刑迫汝父詞使任直直懼逃走天子究其忠殛琮山陵

之伍判汝父於莒云云正舊志所本是則樛之劾琮事與琮充孝陵軍相接疑即文通所論諸款抑另有不法

之事難可祀鄉賢詳考矣

陳鉞字汝威成化十一年進士知華容縣察民隱革吏

溧陽縣志 卷十一

人物志 宦績

二十

弊其治甫行卒於官民哀慕不已立祠祀之

史學字文鑑成化二十三年進士宏治四年授戶部山

東司主事督儲淮安時學假歸省親李東陽贈詩云一年分省近江鄉不似親庭隔太行

咫尺家書傳溧許東南軍食重淮陽天恩早下金華詔士論原歸粉署郎春晚送君頻注目落花隨棹楚天長

巨璫挾無賴侵奪鹽筴學捕諸無賴置之法璫棄鹽水

中去擢浙江司員外郎監兌魯汴後為河南司郎中理

遼陽兵餉悉心度支謝絕干謁都督李果太監任良欲

冒戰功學力拒之擢山東左參政適霸州盜起蔓延齊

魯閒學方視河金鄉羣盜奄至時承平日久猝無戰守

具學與僉事杜旻等謀咸以城庫不足恃乃退保濟甯

集兵出勦多所斬獲而言者竟以退避劾逮詔獄除名

學慨然賦詩有聖主優容微罪去脫籠飛鳥覺天寬之
句既歸敬宗收族增廣祭田修葺祠墓生平喪葬由禮
不用浮屠晚益讀書談道以撰述終其身

據舊縣志及
文獻全集

史愉字存孝善事父母與人親而辨宏治十年歲貢正
德六年判東平州政事治上下咸得其情會劉六等寇
掠山東府縣殘破愉率兵眾禦之安平斬馘數百賊遂
南竄卒就禽於狼山愉有功不居明年遽告退優游泉
石之間日與鄉老圍碁躍矢飲酒賦詩或教諸孫歌詩
作對足不至城市者二十餘年以老

據馬一龍游
藝集墓表

狄冲字仲虛嘉靖二年進士知清江縣考最陞獨山知
州抵任改州治得白崑山笑曰吾爲諸生夢得一玉章

灤陽縣志

卷十一

人物志

宦績

十一

文曰白崑山人此遷天定之矣因以爲別號會阿得獅
子孔殺温首詔命撫臣治之下獨山將窮誅冲持不可
募客往覘之苗具以情告曰日夜望外郎來爲我蓑衣
斗篷何敢叛蓋其俗謂官爲外郎蓑衣覆也斗篷蓋也
客還白冲遽乘一騎挾兩老卒深入眾皆羅拜道左曰
外郎活我冲留數日平治之酋飛語外郎見殺冲聞馳
歸事亦遂靖明年同知武定府調瑞州擢抑豪強殄綏
劇盜擢南京工部都水司郎中節浮費以舒民力內豎
側目以疾卒官橐中所餘惟半月奉錢工部尚書何詔
爲治後事焉著書別見藝文志祀鄉賢

史京字存望參政學子由生員入監嘉靖十六年授思

恩府經歷總督蔡某駐兵梧州留京贊畫條上四事一曰儲將才二曰恤軍屬三曰募勇敢四曰節浮費事皆施行繼從毛尙書視師橫州事罷還在署知本府蠻酋失職入寇眾議棄城京勒兵堅守出奇擊退之以功入覲中蜚語告歸名其圃曰歸樂觴詠其中修葺宗祠教家以化於族著有觀齋集若干卷

據繆希亮所作墓志

鮑可大字德化生員入監授廣東瓊山縣丞坐陞知縣清勁不阿權貴介而能和海瑞嘗稱之曰鮑令不爲鷹鷂而爲鸞鳳

馬震章字國華嘉靖二十三年進士授刑部主事爲尙書鄭曉所知乃建白八事一曰守舊制二曰除積姦三

溧陽縣志

卷十一

人物志

宦績

三

曰革衙窩四曰清獄囚五曰省役費六曰飭官常七曰程吏能八曰定番直曉深歎賞刊爲部式踰年擢員外郎審錄河南獄囚全活非死罪數百人事載祥刑別注知彰德府首啟趙王定祿米之期嚴家從之約有隨從將軍者譁於府門攫胥徒物不與輒毆傷其人躡階詈官長震章密啟王王遣校械繫譁者於國門以示眾管下肅然時山東劇盜李邦珍劫掠近河南欲與歸德師尙照合眾議集兵拒之境上震章入白巡撫曰至而拒賊勢如破竹無及矣莫若乘其未至選勁卒數千直趨山東助山東軍賊可禽也從之邦珍竟就縛會河溢下津爲患震章先於遠水處掘平地爲支河水至得所歸

勢遂殺而逆料農民失業必艱粒食乃罷省驛傳一切浮費盡括額餘召民買穀麥貯之預備倉其後他郡民饑死無算彰德府屬獨野無餓莩焉擢山東副使勞瘁疾作致仕歸尋卒

據游藝集墓誌

史文奎字天章嘉靖間貢生授遂平縣丞師尚照陷歸德長驅南下遂平正當其衝適知縣蒞任未久文奎議集民兵數千人城守甚備賊偵知之留西平不進尋爲大軍所滅委署本縣悉心民瘼招撫流亡減河工歲費以協濟銀代馬遞之番上諸驛者縣人爲立生祠以報之擢靖江王府奉祀不就歸

狄斯彬字文仲冲從子也嘉靖二十六年登進士第授

溧陽縣志

卷十一

人物志

宣績

三

行人擢御史

據舊縣志

會光祿少卿馬從謙以奏論中官杜

泰乾沒光祿銀坐誹謗斯彬劾泰如從謙言竟下從謙

法司而謫斯彬邊方雜職

據明史楊允繩傳

得宣武典史尋擢

南京兵部主事日本入寇陪都震驚斯彬面陳方略於

某尙書江上藉無恐繼而備兵荆湖間九溪蠻素交通

豪民肆行剽掠至是憚斯彬威信屏跡無敢復譁擢本

省參議致仕歸修輯家乘別撰山居野志實卽縣志也

其賦役門首斥四司重複之稅并東南西北鄉科斂不

均所駁正一準巡撫歐陽鐸書冊萬曆三年應天府尹

汪宗伊見此書乃毅然照舊改派計減平米九千三百

餘石編銀六千三百餘兩實有功一邑云著書備見藝

文志

據舊縣志及鍾于序所作釐弊實蹟

祀鄉賢

彭适字伯韜年十四補弟子員嘉靖戊午歲貢朝考第一
一歷知白水慶元兩縣勸農講學以廉明慈惠爲巡撫
李叔明首薦兩縣俱立祠祀之後祀鄉賢

國朝康熙十七年白水士民猶思其惠政請祀名宦

狄同燿字宿甫嘉靖辛酉舉人居母張氏憂哀毀骨立
後知交河縣首治獻皇親地者以法先後復地三萬餘
畝減貧民賦什之六七裁諸無藝征徭勸民力田多樹
桑柳棗栗之屬仍設社學間行校官爲諸生講貫經義
歲餘治行大章調河間其治加昔尋改大城又歲餘以
疾卒官同燿明察善斷獄交河時有盜七人俱擬重辟

溧陽縣志

卷十一

人物志

宦績

五

同燿覆核成案心計曰盜不入民居而入佛寺不取他
物而取銅佛像且以三僧而逐七盜應時解散均可疑
也平反上之撫按咸報可

鍾遐齡字子宜隆慶二年進士知井陘縣釐剔姦弊深
獲民心於文章尤精鑒別嘗分校順天主司屬搜遺卷
獲一卷驚曰此天下士也亟薦之比拆視乃高邑趙南
星後果以忠直爲時名臣祀鄉賢

史繼志字思善隆慶五年進士授戶部主事督運江西
時以木礮爲患繼志力矯其弊作改止亭以記事擢刑
部郎中有富人子陷大辟當事知其冤引嫌不爲白朝
審日繼志請於其長曰殺人以自潔非法之平郎中不

為也又有兄劫弟者案定大辟繼志改議以家賊論事

俱得釋尋擢浙江副使卒

據舊縣志及張元忭所作墓志○繼志野老相招詩云相

過井里總相親野叟逢迎意氣真風月世間誰是主漁樵家處便為隣羨君詩酒青山老愧我車塵白髮新步

送柴門天忽暮一痕沙月掛晴旻

史繼辰字應之父隆太僕少卿際從弟際豪富甲天下而隆儉素自持繼辰幼為父所奇登萬曆五年進士第選庶吉士擢戶科給事中改禮科前後章數十上如補會典以重天潢止內取以昭儉德蘇京邑之商困飭畿甸之兵防所言皆一時大事奉命閱視京營簡汰甚嚴執絳責帥重足而立出使河南道擢四川副使奢氏孽婦凌其嫡鋒刃相向久不解繼辰論孽曰嫡庶分也子

溧陽縣志

卷十一

人物志

宦績

五

弱嫡為政俟爾子長歸印焉不然有三尺法在母貽後悔孽懼不敢動事聞遷江西參政高安豐城間有盜藪遽往討平之母憂服闋補福建糧儲參政歷任江西按察使南贛右布政尋擢浙江左布政時朝廷有濬河采木之費司農不支以浙為陸海繼辰節縮他費以應民得稍蘇擢南京太僕寺卿未任告歸以老

據顧憲成所作墓志

朱默字仲子隆慶庚午舉人萬曆二十四年知廣西新甯州州經土酋構亂有樓羅十八村隴西十六村為首侵據默至設方略恢復之增生員廩餼八石為十石改歲貢試期三年為兩年左遷長蘆運判利民等九場災蝗洊臻默為寬逋發賑捐俸給種勸栽梨棗以資世業

盡除供億常例擢知桂陽州州有銅錫行困於官供爲
申革之又有馬戶歲僉城郭間人更充往往破產默爲
均充至四十六里又嘗發儲賑飢修整鬻序士民稱之
生平厯官三地並有生祠首祀新甯名宦

史世申字子西生員入監萬厯間授肥城縣丞署知縣
明飭法令清釐庫藏會年飢盜起緝捕多方民得安堵
邑頗鹽河豪猾私販爲姦利世申嚴查禁絕之院司道
府並馳檄交獎後改補嶧縣丞告歸增置宗祠祭田祭
器卒年八十八

彭邁字伯英例貢生授廣東翁源縣主簿弭盜葺城實
心勤職縣有沈姓者狡而貪計害從子邁捕訊得狀論

溧陽縣志

卷十一

人物志

宦績

三

如律時有鐵主簿之稱陞奉新縣丞以終養乞歸舉鄉
飲大賓

呂昌期號蘭谷萬厯二十六年進士授南京戶部主事
出知嚴州府蠲除科派以裕民生拔士方逢年宋賢等
多躋卿輔擢山東參政不以徵發累民禁戢左道威惠
並著及魏忠賢起羣小用事昌期歎曰大丈夫甯能事
閹豎乎遂告歸祀嚴州名宦著書別見藝文志

昌期林下偶行

云一望春蕪煙景低携尊重過野橋西風敲脆竹瓊瑤
碎露浥繁花錦繡齊白日偶閒新解組青山應笑舊留
題柴門寂寂無車馬
只有空林鳥亂啼

後祀鄉賢

戴維城字元績萬厯己卯舉人江西撫州府推官平反
冤獄以廉平有聲內擢御史祀撫州名宦

滕養志字以孝弱冠爲諸生知縣帥蘭引修邑乘萬厯戊子舉於鄉厯任嘉興安溪教諭陞大甯知縣恒以六諭教民建立義倉及三石橋以資利濟士民懷之擢紹興府通判歿祀大甯名宦子翰芳曾於族間興義塾以田宅分給兄弟著有泰來可繼等集藏于家

陶人羣字眾父萬厯三十二年進士授大理評事擢知邵武府常以法律自持語人曰吾爲廷評每事多駁人及知邵武每事不爲人駁時以爲確論卒官日家無餘資人羣嘗教授無錫後遂徙家常州子嘉祉元祐並以進士終縣令

史宣政字正甫萬厯甲午舉人授浦江教諭慎舉諸生

溧陽縣志

卷十一

人物志

宦績

毛

優劣不一徇骫有周宗達者非其所舉而以嘗忤縣令爲學使所黜宣政爭之曰生劣而不舉則昏非劣而強爲迎合則誣且枉乞案之事得白擢南京國子助教會丁祭御史談禮傲睨如無人宣政稱說古義緣飾今所宜者辭悒曉暢折其角焉陞知武定州盡革羨餘及常例錢清覈積案緩征宿逋面兌軍糧解馬自買會歲旱蝗設粥廠八十有四分別老幼男女酌遠迎而食之全活甚眾擢兗州府管河同知建議積帑魯庫俟河隄潰塌有隙急爲修補毋得妄興工役以圖冒銷三年節帑五萬餘金隄防益固河督以最聞宣政遽乞致仕巡撫復以其賢能入奏擢運同竟不就

據文震孟所作傳朱之蕃所作墓志

狄臣華初名期進字君實萬曆甲午舉人有至性事祖
斯彬遺媵存歿以禮業師張東渠老而困餽贍有加授
湖州教官陞廣西崇善知縣地密邇交趾歲征粟米裁
足解給防兵時斗米三百錢民不堪命臣華改爲折色
省費鉅萬仍倡捐賑飢平反冤獄肇建鬻序日與諸生
講藝其中攝知左州救荒弭盜其治加昔後聞母疾不
能遽歸憂思卒于官

史孔吉字敬勝風規秀整試輒冠軍登萬曆三十八年
進士第授南安知縣民多寄莊鄰邑徭役獨困本邑人
孔吉覈還之調崇安地多水患常入城市蕩析民居孔
吉禦之多方患遂絕擢工部主事泰昌元年遷戶科給

溧陽縣志

卷十一

人物志

宦績

美

事申上籌邊節用二疏切中時弊天啟四年出爲河南
副使尋以父疾歸里四年起擢尙寶司卿廷議以高攀
龍黨得旨閒任時東林諸君子黨禍方烈孔吉居常歎
恨曰皇甫威明恥不與黨人列范忠宣不背異司馬免
謫吾其誰處與崇禎十三年起用不就卒于家孔吉崇
安時分校鄉試拔取彭汝楠陳士奇黃道周等世以爲
得人後以尙寶卿家居捐田贍宗運米數千斛助皖上
軍又嘗割田三百畝贍本學諸生之貧者子儒綱官至
陝西布政使儒維邑諸生破產救兄頗著義烈云

據李長祥

所作神道碑

宋拱宸字獻孺萬曆癸卯舉人六試禮部不第崇禎初

上書言事爲督輔孫承宗所知題請贊畫尋以戶部郎中司東餉兼過海料理值劉興治叛以計撫輯轉山東僉事召對具言海上情形後爲南京太僕寺卿督運糧餉旋卽歸里杜門不交一客卒年七十六

陳獻策字明俞天啟二年進士授行人兩奉敕封藩餽遺悉無所受以忤魏璫旋里崇禎初拔用東林幽滯歷任兵刑工三科給事中疏論滇黔軍功陵寢黃河工役等事詳切稱旨屢受寵錫擢都給事兼管節慎庫嚴核軍需圖籍一清侍東宮講筵啟請肆赦未幾北黨復熾致仕歸杜門卻客蕭然終老族弟名夏以侍郎守制旋里過之蹙額曰安石不起如蒼生何獻策曰亦各行其

溧陽縣志

卷十一

人物志

宦績

五

志耳未幾卒弟元策仲子邁俱廩監生以詩文聲氣一時推重

馬成名字駿如崇禎四年進士授嘉善知縣下車禽治豪猾境內肅然改萊州府推官內擢刑部主事遷兵部職方員外郎時溧陽有盜未獲撫臣張大其事請舉兵成名聞之曰此一健役往成禽耳疏止之民以不擾備兵密雲有巨璫斃法繩之不少貸軍興大議主者必先取決可否以能擢爲山永巡撫成名幼穎異讀書一目數行爲諸生時豪邁不羈視取科名如寄十年間致位節鉞而時事愈艱責望愈重卒以軍機罹禍九邊之士多爲流涕云

潘曾璋字采生少孤貧力學登崇禎四年進士第歷官戶部郎釐剔草場積弊權關蕪湖屏絕苞苴擢廣東兵巡副使官至大理寺卿值時多艱解組歸里杜門課子而外無他營焉子八人孫三十人其後簪纓奕葉人擬之萬石君家咸謂厚德之報云祀鄉賢

彭遵琦字古臣崇禎癸酉舉人授衢州府推官在任多異政郡人德之擢御史未任而卒祀衢州名官子新字于民舉人知臨清州州當孔道軍興旁午新力供億不以累民會濬運河淤塞費滋大吏請均之里甲弗聽乃捐資稱貸以償雇募三年勞瘁卒官

陳名夏字百史少有大志能文章好交游爲諸生時已

溧陽縣志

卷十一

人物志 宦績

三十一

名重天下崇禎十六年癸未科進士第一廷試第三授編修晉修撰奏對稱旨改戶兵二科都給事

據舊縣志

甲申

三月流賊李自成陷京師四月我

大清兵破賊於山海關五月入

京師

據明史莊烈帝紀

實順治

元年也會南都閏位馬阮用事將修復社舊怨時名夏在南中避仇北至正定督撫以聞

世祖召見授修撰尋擢吏部侍郎丙戌秋以憂歸里明年起復

吏部戊子擢尚書辛卯拜大學士後被劾論死時甲午

三月也名夏負詩文大家之稱著有石雲居集三十卷

傳於世子掖臣侍衛著陽齋集鼎臣員外郎著耿齋集

佑臣乙卯拔貢

參據徐吳舊志○又二志稱名夏知無不言勇於任事開國大政多發其端

嘗年銓選之弊徐志又言其志大而疏才高而傲爲院
疏密參云云謹案 國初宰臣事具 史館固非民間
所能詳
考也

史燧字旭初順治六年進士授廣東驛傳兵巡道時大
兵往定兩廣兩廣藩臬由部郎推陞監司郡守用新進
士州縣印官用貢生並隨軍赴任蓋異數也七年十二
月克定廣州各官進城受事道員主兵馬調發夫船動
以千萬計燧先事區處供億無悞以學道教職員缺請
用瓊州府屬官未赴任者署府縣教職籍故明博士弟
子親試之得程可則方殿元等士心大安當是時廣東
佐雜官不由部選聽兩藩委用巡檢自署或稱守備或
稱都司交結營弁侵奪縣令燧稍以法裁抑之又姦民

溧陽縣志

卷十一

人物志

官績

三

投營誣告人逋負財物輒追給破產名曰土究燧一切
論如律上之巡撫眾始斂戢矣十一年滇寇李定國圍
肇慶至新會廣州城門晝閉燧馳往順德諭民曰今軍
興乏見糧事急權宜來取汝等正供非額外加派也旬
日間得糧二萬石致軍府署按察使平反東莞殺姦增
城誣姦二獄十二年改南贛兵備道省撫蔡某題報墾
荒田三年起科至是期滿開徵實無一畝墾地官民皇
遽無措燧請於虔撫佟某題准再遲三年起科又贛州
歲漕糧米至省城水次交兌而贛鎮額兵二萬餘歲需
米數萬轉用南瑞臨吉等府南米解鎮兌支往返俱經
十八灘之險虧折賠累燧復請於虔撫將南瑞等府南

米代贛兌軍而以贛漕代各府給餉彼此稱便以揭署九江總兵官頗重耀爲省撫郎某劾降二級調用十四年補浙西兵巡道明年冬以緝寇修城敘功入

觀十六年正月

世祖召見條上四事下部議行五月還任轉隴右分守道未及行會京口失事浙西震恐燧白巡撫佟某曰嘉興府屬設海鹽一營以備海寇今寇已深入內地海不須備宜撤至郡城以戒不虞當是時郡中羣不逞之徒潛結太湖長興等處逋盜刻期劫城召寇憚城中備嚴遂不敢發捕誅嘉善罡黨鐵臂趙三等餘悉解散十七年至隴西尋擢武德兵備道德州北接直隸之吳橋繹夫送兵

溧陽縣志

卷十一

人物志

宦績

三

船出境吳橋人閉城不應往往越站直送至天津爲州民大患燧徑申兵部究免之康熙元年擢嶺東伸威兵備分守惠潮道廣東布政司左參政崇善縣西湖蘇公堤以宋蘇軾得名有將弁嘗一修築遽改名李公堤燧至碎其碑始復舊號尋以德州任內釋回犯生事降一級調用告歸入祖祠祭田二十二畝修輯宗譜及文獻全集諸書居嘗語人曰吾自少至老往還惟二三老友門無雜賓而人或以爲傲一蔬一飯欣然自飽不喜過人燕會而人或以爲簡親朋假貸多值空乏往往心詘於力不能通緩急而人或以爲吝世稱其得實云燧以

康熙九年卒年六十二

據舊縣志及年譜

史鼎字枚公少能文天啓間閩人亂政或寓書言場屋關節事父致蔭曰有子讀書令識大義忍使隸閹黨耶焚其書鼎以

國朝順治八年充貢授仁懷知縣罷省浮賦肇興學官會大兵往勦水西苗縣之西境羽書旁午鼎調發無悞多方撫輯民賴以安憲司交章論薦鼎曰吾老不去將負吾官拂衣徑歸人服其勇退云著有**小坡仙集**

吳穎字見末八歲通制義兼工詩古文辭方孟旋嘗延之校選登順治九年進士第授刑部主事遷郎中疏稱刑獄至重律無正條者毋得刻深以意傅法其初辭具毋得株引滋蔓

溧陽縣志

卷十一

人物志 宦績

三

世祖嘉祜焉恤刑福建裁五閱月末減罪犯千餘人擢知潮州府多惠政會以從師海上猝中寒疾謝病歸築西疇草堂日有吟詠邑中碑版多出其手知縣王錫瑄署其門曰瀨江文獻著書別見藝文志穎性篤孝年七十居繼母張氏憂涕泣如孺慕子嘉稷以蔭入監大臨以武舉人官千總並能詩穎後祀鄉賢

費達字于章少承父良佐家學與兄達互相師友文章氣節卓然冠諸生登順治九年進士第授戶部主事權稅九江時師旅絡繹市舶或壅不行前後任皆因此坐困達至簡科條剔姦弊調劑官商公私稱便改權許墅亦如之擢郎中假歸葬親哀毀廬墓年甫及艾不復出

山手攜一編至老靡倦邑中有大舉每極力維挽眾咸倚賴生平濟困扶危未嘗有德色雅量能恕人過處橫逆怡如也卒年七十三著書別見藝文志子鈺捐田出粟賑救飢貧以貢生考授知縣親老不行居憂哀慟卒孫淵別有傳

史颺廷字虞賡順治十二年進士授鄖陽府推官未一歲奉父喪歸江行遇風前後舟盡覆颺廷擁柩哀號籲天舟獨得免既卒葬廬於墓側身自封土樹松柏焉服闋補安陸府推官郢俗健訟畏颺廷廉明漸不敢逞嘗署沔陽地有漁田糧田之別賦稅不均颺廷甫下車循行村落區別高下詳定均賦民咸便之會奉裁推官去

溧陽縣志

卷十一

人物志

宦績

三

任需次安陸士大夫爲建蓮池書院以祀其父遵六遵六爲人別見孝行本傳既而颺廷改知山東陵縣俗鷙悍多盜賊逋亡至則申嚴保甲修建學校以禮讓化民治最擢陝西西安府同知權稅潼關時寇盜竊發金鼓夜鳴商賈畏阻不得前颺廷遣兵防護仍革羨餘商至絡繹正供藉以不乏尋居母憂起補河南南河同知隄防疏濬終其任未嘗潰決康熙二十年吳逆鼠竄川湖悉復大兵直抵雲貴

朝廷簡能吏往撫授颺廷雲南知府八月到彼逆猶嬰城固守颺廷奉檄日夜督造攻具奔走於飛礮激矢之間城破莅任胥役奔竄無一人至者時斗米八千知府擁

空城供億軍需諸安撫事勞瘁得疾卒於官年五十五
康熙二十一年也

據王日曾所作墓志

潘麒姓字又生號虛山曾璋次子與贊善麒生學生中式順治丁酉科舉人知汜水縣修隄防清疆理詳免瀕河虛糧陞廣西泗城府同知大熊山黨案內械繫數千人麒姓坐辟巨魁餘皆詳釋擢知湖州府復著嘉績吏畏民懷先是在廣西時大計卓異與一謝姓丞同推定例止擇薦一人麒姓以謝母老子幼讓之獨舉既而謝病卒復爲假貸經理其喪同邑楊禹甸死事南甯麒姓求得葬處歸櫬溧陽世稱其長者子應樞進士篤厚能文秉恒制行不苟以子震洛 贈穎州府教授

溧陽縣志

卷十一

人物志

宦績

三五

黃如瑾字崑瞻號劬雲幼慧能默識八歲徧讀五經左國通時文有神童之目登順治十五年進士第授福州府推官時海氛未靖汎弁邀功所解逆黨間有沿海窮民及被擄脫歸者如瑾訊得實白之制府免死者數千百人兵士獲寇孥多被掠少婦亟檄取其夫領還軍書旁午之際如瑾不言勞瘁事皆立辦官民兩濟坐承審稽遲降補天津衛經歷兩署肅甯縣以德化民不設鉤距幾於無訟焉陞知廣甯縣創學校建蜡壇清田畝減驛站時則有飛蝗避境之應累擢至刑部郎出知金華府凡登仕籍五十年所至民稱頌之

吳嘉穗字原臚潮州知府穎子也康熙壬寅貢生授廣

西布政司經歷擢知西隆州地逼滇南苗疆錯雜箐峒深惡夏秋之交煙瘴全起水波如藍嘉穗時年六十餘留家屬桂林而自攜僮輩數人單車抵治撫輯苗民興革利病居三載政刑爲之一清擢泗城府同知地遠惡過於西隆號稱難治憲司以其才故擢用之歲餘僮輩相繼死嘉穗亦染瘴卒官祀西隆名宦

彭嘉捷字宇先戶部郎中敦厯子也康熙壬寅貢生候選州同以養親里居駐防兵多占民廬舍嘉捷請於分巡使者清查勒還父憂服闋起授山西長治縣丞歲旱勸捐設粥全活萬餘縣有水雲洞寒冬病涉捐俸購木爲梁以濟之母憂闋再補福建崇安丞首葺紫陽書院

溧陽縣志

卷十一

人物志

宦績

三

裨贊多方郡守知其勤苦調署浦城令嘉捷顧謂其子玉書曰吾啜九曲泉誓以清白貽汝輩詎規脂膏以玷末路哉前後三委 京差勞疾卒官

據彭桂所作傳

魏麟徵字蒼石幼能詩文年十一督學李來泰拔充博士弟子員博涉經史擗管數千言立就登康熙六年進士第授中書陞典籍辛酉分校順天鄉試所識拔多知名士出爲登州府同知悉心撫輯海疆晏然士民戶祝舉卓異第一丁憂服闋擢知杭州府絕苞苴之問清釐積弊玉潔霜稜偶以註誤論罷公卿交章薦起授延安知府不果行改知邵武墨吏姦胥聞其治杭時風節莫不屏息易操愛民教士異政懋焉尋致仕歸里麟徵生

平宦遊公餘輒事吟咏所至成帙其石屋詩鈔已刊行
尙有四書精義唐詩彙選諸書未刊藏於家

王曰曾字偉度號省齋康熙九年進士授中書充史官
歷任禮刑二部郎中出爲大名分巡道苞苴不行懲黜
墨吏丁憂服除補西川建南道履勘大邑雅安等處田
畝嚴禁盜采番界銅鉛境內獲安已而董卜諸番咸繳
印內順川民祀焉調江西督糧道請歲免腳費銀二十
餘萬部議駁詰曰曾條挾諸弊固爭之事竟施行戶部
尙書張鵬翮題薦天下道員清廉第一陞湖南布政使
未任卒祀江西名宦著書別見藝文志

據舊縣志
及叱馭草

董粵固字班若號蛟門康熙十二年進士授永川知縣

溧陽縣志

卷十一

人物志 宦績

三

兼署璧山蜀經明季兵戈民物凋耗兩縣戶各三百餘
輸賦二十餘兩列肆居者不數十人粵固減省徭役召
募流亡三年民稍還集墾辟荒萊賦亦漸加而民不困
卒於官

狄琦字公韓康熙間貢生授臨淮縣教諭時學宮久廢
先師神位寓三清道院琦到傾貲倡修踰年工就文風
士習亦漸有所轉移陞國子監學正遷太常寺典簿祀
臨淮名宦

費淵字含中增貢生康熙二十七年援例授四川慶符
知縣地經兵燹戶口流亡淵至招徠撫字教以耕織捐
賞建立

文廟開塾課士邑中無科第垂三十年至是有周天任者始舉進士淵所識拔也三十一年監司檄復科稅淵執故籍力爭之得不溢額會川南妖民構亂聲欲劫取武侯藏甲於縣之上碑亭憚淵嚴明有備旋遁去五十二年陞直隸保定河間二府管河同知五十四年高陽龐口水暴漲荆美莊一帶地最下人心惶遽淵急撤堤以分水勢民得安居尋致仕歸里觴詠林下以卒著有牧慶草北遊草清河雜詠多不傳

楊良字兼峯號止菴康熙三十年進士授陽春知縣下車值歲旱良首決疑獄禱雨立應撫盜歸農除省耗費創建議學以教民治行稱最時有鹽道高某剝商累官

灤陽縣志

卷十一

人物志

宦績

三

爲粵東患良解印綬揭之憲司高暮夜求解良誓除大弊不爲利動高坐是黜免良亦遂歸未幾卒時年四十

一

史貽直字儼弦號鐵厓詹事夔子也十歲能詩比長器識英偉有公輔之望登康熙三十九年進士第授檢討主考雲南督學廣東厯官贊善侍講庶子講讀學士雍正元年陞內閣學士大將軍年羹堯平青海還勢張甚黃韁紫騮絕馳道而行公卿以下郊迎膝地年過目不平視貽直獨長揖年望見大驚遽翻鞵下曰是吾同年鐵厓耶扶上已所乘馬而已易他馬並轡入章益門翼日陞吏部右侍郎

世宗晝日三接咨詢優獎貽直亦感激布露勤施于四方乘傳
審案直隸河南平反雁平道謝王寵閩令梅廷謨等案
甄別閩省官員優劣輿論翕然署福建總督改署兩江
擢左都御史協理西安巡撫再擢戶兵二部尚書留陝
西

高宗朝歷署湖廣直隸總督

經筵講官戶工刑兵吏五部尚書乾隆九年授

文淵閣大學士兼吏部貽直周巡六曹出入九鎮嘗言天
下辦事人多解事人少深刻非明懈弛非寬交際非私
協恭非黨其生平行己爲政一以持大體安社稷爲務
先是臺灣更戍兵由內地營弁押解往返擾累番社貽

溧陽縣志

卷十一

人物志 宦績

五九

直改委臺鎮本標押還槩遂絕福興漳泉地卑溼倉穀
易朽請將四府舊穀運至廈門碾給臺灣兵米轉移稱
便陝西軍興楚督議開丹河以資轉粟協濟貽直具言
湍石危險勞民費帑議遂不行西安常平倉向止民戶
借領請將軍需贖穀撥貯所屬以濟屯戶屯戶之有常
平自此始也

高宗在藩邸習聞其賢既

登極批答嘉獎訓以始終一致如

先帝臨御之時及由西安

召見溫諭良久賜

世宗所遺鷲黃蟒袍四團龍補服貽直感謝嗚咽赴部後隨條

上三事一曰科道吏禮官宜用正途六科諸道有獻替糾彈之任必以一時清望及端方骨鯁者居之吏部人倫冰鑑禮部典章畢匯非讀書稽古熟悉故事者不足當此所以宜用正途也一曰官員遷擢宜循資格蓋朝廷立賢無方果有奇材異能自可不拘階級然上知少而中材多不以資格限之則躁進之士務爲近功小喜僥倖不次其厚重少文資深俸久者轉無以自明所以宜循資格也一曰河南墾捐宜速停罷豫省地衍民勤本無曠土今報墾亡慮千百頃訪之皆河灘山麓礮礮不毛異日按畝陞科小民將有賣兒鬻女以應輸將者至勸捐一節郡縣官驅車郭門慰諭商民書簿納鑑尤有傷於國體所以並宜速罷也奉

溧陽縣志

卷十一

人物志 宦績

四

旨悉允所請湖南苗盜蒲寅山等據規頭山叛十稔未平貽直至則設方畧檄總兵李椅等禽獲之容美土司改流分設鶴峯長樂等州縣賦倍蓰於舊疏請仍征原額獠猺歡呼署直督未半年所題結事九千六百餘其幹敏有如此者爲人清標玉立舉止詳華性強記尤善談議每早朝立

宮門槐柳下諸王貝勒卿貳翰詹環聽稱述

三朝舊事耆臣言行如鳳鳴九霄下風傾耳聞所未聞乾隆二十年以次子奕昂署甘肅布政致書巡撫鄂昌蒙恩原品休致二十二年再入相又七載而薨時年八十二

贈太保入賢良祠

恩賜祭葬翰林院立傳謚文靖貽直少時撤金蓮燭成婚中年

開府鄉里晚而再宴鹿鳴瓊林

賜詩褒美祝

太皇太后萬壽入九老會圖形

內府至得坐肩輿入

紫禁城陪祀不與大寒暑不入閣湯沐小休輒拜

賜於家際遇之隆

恩禮之厚蓋近古所未有也性好獎拔然有所推轂未嘗語人

三為會試總裁教習庶常者再門下士多躋華要或官

至宰輔為時名臣

據劉綸所作墓志
袁枚所作神道碑

溧陽縣志 卷十一

人物志

宦績

十一

史泓字紫濤康熙三十九年進士授浙江東陽縣革陋

規汰浮費捐貲代償貧戶逋賦創建義學興起斯文陞

主事未任卒

陳人文字明止康熙四十二年進士授龍巖知縣大水

壞民田廬人文履勘具報力請蠲賑增高樓堞繕完津

梁尤以教士為務分八式三等月課而歲程之嘗分校

鄉闈所拔多知名之士任三年致仕歸

黃秉銓字士衡康熙四十八年進士授靈壽知縣陸清

獻隴其嘗為之宰民歌頌之秉銓至牧民課士並以陸

為法歲旱成災不俟憲司報可輒發倉穀貸種制府某

賢之雪冤獄除羨稅罷官之後猶捐貲為民代償子粒

逋價前陸後黃時人方之召杜云

史隨字士季號鷗湖鶴齡三子年十二卽工楷法能爲
擘窠大字登康熙四十八年進士第授廣東茂名知縣
其地沿海而無鹽場食鹽仰給鄰邑鄰邑令捕解茂名
私梟三百餘人鹽四十餘石到茂名通詳嚴辦隨闕來
移畢徐曰粵梟絕健眾至三百餘守汎一二十輩往安
能俯首就縛無一脫者且鹽劬四十餘石析之三百餘
人人止十數劬正與肩挑背負例合此窮民無知非梟
黨也訊釋之以聞大爲巡撫某稱賞積年疑獄悉以委
之無不立斷後知遂溪縣海隄圯請帑修築帑至悉散
之沿海貧民約秋成赴工集事及期無一後者凡築隄

溧陽縣志

卷十一

人物志

宦績

四

三千二百餘丈水門三十六所兩月工竣仍歲有秋擢
知江西瑞州府勸農課士平反上高李姓劫殺冤獄以
暇倡修桴橋繕治飛躍亭百廢具舉旣以家門鼎盛守
謙知足移疾告歸杜門不與外事與季弟燾怡怡友愛
課戒子姪讀書敦行以綿世澤云卒年七十六上高人
祠祀之

潘采鼎字實夫麒生子幼讀書卽通大義長益邃精於
文登康熙四十八年進士第授江夏知縣武昌附郭人
龐事劇案鼎悉心經畫處之裕如興修學宮增造祭器
縣西南故有長隄拒江衛民田廬歲修終無久計案鼎
相度形勢改築橫隄二三所綿亘數十里得免江水衝決

累擢刑部郎轉戶部出知西安府修鄭白渠未匝歲卒
馬受曾字念功號石崖廷鼎子孝友性成攻苦問學登
康熙四十八年進士第授象山知縣修學校輯志書創
建丹山書院捐貲延師教士開濬淤河地方得免旱暵
平決訟獄勸農賑飢設爲義渡以資利涉在任十三年
多善政卒官民思誦之祀名宦浙江省志甯波府志具
載其績著書別見藝文志

潘允敏字穎少號葦村康熙五十一年進士選翰林院
庶吉士授編修與修

國史出知廣南府烏儂與兵士格殺起釁允敏立殲其魁
事得平改戶部郎中雍正七年己酉科典試山東尋提

溧陽縣志

卷十一

人物志

宦績

三

督陝西學政疏請甘肅甯夏歲科合考廣生員額一百
二十餘名其教士先品行而後文藝秦士懷之後督學
廣西河南一如在陝時焉允敏歷事

三朝衡文四省清勤公慎始終一節以是見推於時
任蘭枝字香谷號隨齋文煒子登康熙五十二年進士
第

廷試第二人授編修雍正間歷官詹事府中允庶子翰林
院講讀陞學士改少詹署閣學兼禮部侍郎初雲南開
化鉛廠地四十里淪入安南傳檄諭復其王屢疏辨非
中國地已而悔罪願復請受

朝賜將從之而慮其以要挾爲得計

特命蘭枝充使宣諭時雍正五年九月也至則令從官先驅示
王拜

詔儀注往復數次議始定及期王率陪臣五拜三頓首趨開讀
蘭枝不應外屏闔首率卒數千佩刀睚眦擁而上蘭枝
大言曰所以銜

命來以王素恭順頗知禮今乃與
褒敕大異使者安得為王開讀乎王大慚沮麾眾使退卒行三
跪九叩禮蘭枝復諭以

天朝恩重宜益自勉王感泣眾皆舞蹈呼萬歲贈行千金
方物無算並卻之既歸復

命累擢兵刑吏三部侍郎讞獄淮南江西保定大同多所平反

溧陽縣志 卷十一

人物志 宦績

四

乾隆元年晉禮部尚書調戶兵尋復舊有浙人自陳孔
子嫡母施氏後廷臣或議褒錄蘭枝歷據禮疏叔梁紇
求婚顏氏漢韓敕史晨碑顏氏復繇假守水經注尼山
東孔廟北顏母廟及宋大中祥符以後冊封顏氏夫人
合祭孔子家廟謂史冊聖母有顏無施論駁二千餘言
高宗從其議十年以老疾得告未及歸明年卒蘭枝宿學能文
尤擅制義先後常為講官預修八旗一統等志

國史館總裁四充鄉會同考官歷典江西浙江順天鄉試
庚戌癸丑會試總裁文武

廷試讀卷官中允時提督四川學政著書別見藝文志

履親王所作傳及
本縣造呈史館冊

謹據

彭朝佐字中行康熙甲午舉人教習期滿分發雲南候補知縣署賓川州州民張姓有田父曾批給長子母又批給次子父母歿後兄弟訟廿年不解朝佐令取父母木主來責之曰兄弟訟爭罔顧天顯皆汝二人生前偏愛所致命役奪木主將扑之兄弟皆身伏木主涕泣悔罪願以此田供歲祀尋補署峩縣獮匪作亂攻破城邑由普洱至新興率由土司內應大吏密飭近賊州縣以計先除土司時譽峩兵弁調往新興防禦所遺老弱數名而已土司祿以仁有兵六百居城外朝佐計曰城無兵守安能除彼不如因而用之單騎馳至其家以仁驚曰公來欲誅我乎朝佐曰吾跨一騎來豈誅汝者欲汝

溧陽縣志

卷十一

人物志

宦績

異

入城防守同立功耳汝若疑懼願以眷屬爲質以仁涕泣投地率兵入城不三日賊至攻城不克大兵隨集城下一戰賊殲焉後改補湖北羅田縣復以治聞致仕久之以雲南巡撫楊名時薦起授國子監助教卒於官
史瑗字慕劬號玉溪五歲失恃家貧力學有畫壘之苦
雍正癸卯正科舉人授中書擢刑部郎出知思南府建置義學義田葺中和書院與士子論文講學會逆苗猖獗瑗捐募鄉勇屯守要害苗不敢犯尋以疾告歸手定祠課程式並設祠館以教子姓所著在官條議與詩文稿並稱

馬彭年字飴少雍正丙午舉人乾隆二年辟孝廉方正

授連江知縣官廉民有但飲連江水之誦振興鼇江書院士多成材擢建甯府同知改宣化府東路宣化水利不便彭年引澗灌田教以插蒔歲有收穫土人號其地曰馬公西水泉所轄八州縣悉仿其法米穀用饒又嘗創建義學以興文教云二十一年承辦

東巡大差

賜宴并貂緞有差擢順天府北路同知致仕歸里囊橐蕭然

費櫬字梧陵雍正間增貢生援例授順天府密雲知縣兼署古北口巡司古北邊關重地提鎮駐防官兵月餉由縣徵放小不飭一軍皆譁櫬悉案舊檔隨時親給文武輯睦縣民多出口拾薪爲炭吏歲索稅錢數千緡櫬

溧陽縣志

卷十一

人物志 宦績

異

申請憲司勒石寢之仍建置義學親爲講課邑中科名由此嗣興云尋告歸卒於家

繆汪筏字懷禹雍正八年進士十年壬子科奉聘分校江西鄉試所賞拔多一時知名乾隆三年選在鳳陽府教授敦崇實學務黜浮華士風一變汪筏肆力經史尤工制義解組後閉門著書惜皆散佚卒年七十

陳翼字觀瀾御史嘉猷子也康熙雍正間嘗侍父忒斯絕塞奔走扶持孝感行路後歷任廣東龍門安徽婺源知縣婺源人多惑風水淹親柩不葬翼以理開諭風得漸革又邑有淫祠其鬼或祟一士人女翼往驗之病者

遽瘳

朱觀雍正己酉舉人乾隆丁巳明通榜授松江府華亭教諭陞河南澠池知縣以廉惠著稱親老乞歸題詩官舍有陶潛辭爲歸來賦李密情從泣下陳之句

彭阼字賓士工部侍郎會淇子邑諸生雍正八年以賢良方正分發四川試用知縣以下等官授墊江丞歷署南川營山梁山巫山實心任事不以官卑委謝署營山時捕獲鄰境重犯幕客欲具文申報阼慨然曰吾以是得功人不以是得過耶解所獲犯作書與之乾隆九年卓薦陞知貴州桐梓縣會川省軍興黔撫檄糧道朱某協餉朱札商於阼阼曰黔省本非產米之區歲收僅供民食官儲一動緩急無備買補爲難且川黔雖接壤水

口遼遠山路崎嶇石費三十金乃能運至成都非計之便事遂止已而川省撤兵口外餘糧委贖由是憲司深器之署正安州二年告歸三舉鄉飲大賓卒年九十周懷濟字宗海乾隆元年進士授廣東新會知縣嚴察吏胥勤理案牘興修

文廟義學調遂溪當去士民作九事歌送之遂溪海塘決潰懷濟急編筏渡難民至高阜發倉穀賑濟然後募工築隄民得復業擢知嘉應州有巨紳置寡嫂田八百畝不聽贖訟延十餘年懷濟立斷贖還之州人祠祝焉署潮州府邵洋商之弊譏察如律未幾引疾歸舉鄉飲大賓疾痊原省候補署普甯縣復有德政民作頌言十二

章亦建生祠以年老致仕孫牧福建光澤知縣全活大田械鬥株連人無算召募鄉勇禦江西廣昌教匪有能名潘學溥字蒼企乾隆二年由監生舉孝廉方正歷任永濟婺源知縣調鳳臺邑大水學溥減從履勘苗無冒漏蠲緩賦稅區畫精詳又嘗傾囊補耗審別偽犯獄無遁情云俗悍戾善鬥兵民雜居學溥一切化以禮讓調靈璧去任民立祠祀之後改知唐縣

史奕昂字頡甫大學士貽直次子也乾隆六年副榜一品蔭歷任刑部員外郎中出爲堯沂曹道調運河兵備協辦南河石料東省乏船乃借取糧艘之停運者運石至工獨先他省畢事十九年準噶爾不靖調署甘肅布

溧陽縣志

卷十一

人物志 宦績

吳

政使山陝舊例官兵所過州縣捐給飯食奕昂慮難承應且滯行程甚或有司藉口派累請自涇抵肅二十餘站改爲牛羊肉脯復於兵回時酌定交易市價並蒙

俞旨大兵過處井邑肅然會軍府檄下臯蘭縣限五日解送羊毛織袋三千惶遽不知所出奕昂令取典鋪中典糧口袋事畢如數發還三日得袋四千餘供用不乏時臯蘭平秦等屬米價騰涌並酌量平糶借給籽種其各臺車騾馬匹兵過日卽以次捲撤歸給商農民大和悅明年調補福建按察使捕獲南洲劇盜游艷艷劉良福等數十百輩撥臺灣倉穀以俟浙商飭依部斛行用毋敢贏胸並蒙

獎諭施行二十五年擢廣東布政使嘗謂藩司之責首先用人
乃嚴察府廳州縣官其首領佐雜亦就所見知區爲四
等以聞欽奉

硃批摺留覽三十年父憂服闋起擢兵部右侍郎充拔貢
朝考閱卷官以同部語言獲過

恩給三品卿銜回籍四十一年叩賀闕里

行在復二品原銜五十六年卒於家時年八十葬昂家世
大臣遇事感激多所建白按察時增修

文廟彝器令諸生肄業禮樂繪圖行世及爲布政疏言
官員請封供結具有母係室女並無改醮違碍等語人
子所不忍道乞去再醮二字事得議行增廣貢院號舍

溧陽縣志

卷十一

人物志

宦績

吳光

應試者驟益四五千人吏需索會試舉子故損原詳駁
換廉得狀人服其明家居二十餘年蒸遇

太皇太后

高宗皇帝

萬壽南巡諸盛典咸躬預祝賀五十年赴千叟宴恭和

御製詩一章

詩云家傳靈壽杖奇妍迺
近 握重欣瞻

躡恩叨列綴筵
舜日趨庭時憶話

義年化基悠久三元會

福履兼賅

五世延歸向田園誇艾耄紛排

賜物幾人肩

先後屢蒙

召問

錫賚駢蕃蓋異數云其家居杜門不預人事以文史自娛著書

別見藝文志

周漢字少湘乾隆十年進士咸安宮教習期滿授刑部湖廣司主事十二年充浙江鄉試正考官其首解則修撰吳鴻也還任總辦秋審究心獄情多所指駁時服其明允擢四川司員外郎十五年加翰林院編修提督貴州學政卒於官

史貽謨字賡載大學士貽直幼弟也乾隆十年進士授編修分錄昭明文選書成

賜白金文綺十五年江西鄉試副主考差回

召見詢及家世十七年擢中允是秋分校

恩科會試明年再擢洗馬主考貴州二十一年分校順天鄉試尋出督學四川時科場新增律詩邊方士子或未諳聲

溧陽縣志

卷十一

人物志 官績

五

病至則諳切講貫咸知究心尤以簡拔真才釐剔宿弊為務疏入

硃批嘉獎二十五年主考河南二十七年春扈

蹕南巡授

日講起居注官

賜唐宋詩醕并克食有差是年分校順天鄉試復充武鄉試正考官明年

御試優等貽直再相卒於

賜第貽謨徙居焉會遴選翰詹外任引

見記名母憂服闋補原官三十五年主考陝西明年恭祝太皇太后八旬萬壽賜庫緞豐貂三十七年盤山扈從蒙

賜和詩尋分校會試是年卒於官貽謨歷典文衡矢竭公慎門下士官顯要者數十百人而性介不求依助每親朋總至至質衣物治具云

王鳴字士吉乾隆十年進士選知歙縣調懷甯飢民乞借籽種爲府所格眾怒聚闕府門鳴急馳諭咸曰王青天活我遂解去而身自捐貲買米收養流離全活甚眾陞知亳州辦理決河擢紹興知府檄治台屬水患並有能名官至湖南辰沅永靖道著有恤災紀要藏於家

史奕瓌字幼奇大學士貽直三子也監生三禮館議敘乾隆十一年授河南衛輝府通判歷署許睢鄧三州安陽縣事十六年恭遇

溧陽縣志

卷十一

人物志 宦績

五

太皇太后萬壽慶典差委無悞明年擢知鄭州經理河務綏靖回民承辦江南劉家口決河工料署汝州二十一年援例擢知山西潞安府商民向在府署前趁集吏胥苛索場租訴縣不理奕瓌令得四處開集需索必究後遂爲常二十六年承辦射虎川

行宮

賞給貂緞各二二十八八年俸滿留京侍父需次四品京堂父憂服闋補山西大同知府時以京堂無缺要郡需人蓋出於

特簡也適奉文開墾豐鎮牧厰空地二萬餘頃率屬相度可耕處每五頃作一分遇游牧毗連之所畫溝封界以杜侵

爭量民力盈絀分授之移駐守備巡檢等員用資彈壓
大同東門外興雲橋勢甚綿亘水衝場害民田廬爲築
長堤護之喇麻僧或負豐鎮民郝廷隆貨價以馬留質
去凍踏道有廷隆昇歸救之不起懼移尸於野并放所
質馬已而尸被狼齧馬回寺中寺僧控廷隆殺死刑訊
久不決奕瓌承審不三日盡得其情焉擢河東兵備道
尋署按察使卸事還任以疾卒時年五十六乾隆三十
六年也

馬珩聲字鳴玖以副貢生於乾隆間試用雲南州判奉
檄開鑿金沙江巨石隕半壁會水暴漲工無所施銅艘
銜尾不得過簿責切珩聲夜禱江神比明水落三四尺

溧陽縣志

卷十一

人物志

官績

五

萬椎邪許竟開道抵烏鴉斗巖千尋樵徑都絕剝壁爲
梯石堅不受鑿珩聲復盟於神曰今日事集翳神之功
不集當奉身葬魚腹耳率眾力鑿入石扶寸餘應手剝
落凡旬有五日竟開腹道四十丈語具金沙江志華亭
張鳳孫詩集敘功一等擢知寶甯縣增設義塾修濬城
隍造西洋橋以通商旅土丞某陰賄奪嫡正色拒之詳
請如制出重辟五人於疑獄擢知廣西新甯州坐寶甯
任內失察出交民人降知蒼梧縣尋致仕卒於家
史起鳴字鹿萃乾隆癸酉舉人好學友于兄弟由 咸
安宮教習授湖南沅陵知縣母憂服闋試用貴州厯署
開州鎮甯分校辛卯鄉試父憂除仍赴原省署遵義補

貴定調署永豐州黔爲滇南門戶古牂牁夜郎之地苗民雜處撫輯爲難起鳴在黔日久洞悉民隱所至正已戢下以廉明著稱方卓薦疾卒於官縣民爲立去思之額後有人欲去之更以其官額置其處民訴爭不可乃止其居憂時曾葺祖廟建義倉爲族人所重彭以諤字司直乾隆間

國史館議敘授浙江定海縣岑港司巡檢地所鹵少田產米不供半歲以諤申請府道永不采買並許民蘇州糴販海口不時驗放米遂糜至鹽倉設員收買餘鹽每石去耗應餘八十五觔而上秤每止七十眾疑之擁秤求驗則錘底木塞一穴內藏鐵沙出入開塞爲姦利以諤

溧陽縣志

卷十一

人物志

官績

三

通詳與之對簿訊得作姦弁兵治如律民免於累立祠祀焉

戴天恩乾隆間由吏員授湖南衡山縣草市司巡檢曾護理縣印發粟賑飢建置社倉義學士民懷之

史衮字補之監生乾隆間援例鹽大使借補江西布政司庫大使陞知山西興縣調直隸安平居官廉謹又天性孝友於弟妹護惜有加祖文靖公極所鍾愛卒年三十七長子錫耆國子典籍亦以孝友任恤有長者稱

黃瑞鼎字景韓監生乾隆間援例授江西南城縣丞委運河南賑米舟壞鄱陽湖計申請往復勢須數月慨然曰安有赤子嗷嗷待哺而更俟簿書期會者卽傾貲買

補如期抵河南卓薦陞直隸廣平知縣築堤以禦漳河水患會大名亦被水或議於廣平開引河洩之瑞鼎力持不可乃徙引河於南兩縣俱得無害調邢臺陞宛平以疾卒官

陳崑源字西來監生承父學士大論家學尤善書法屢試順天不中式乾隆間援例授福建建安縣丞歷署詔安連城知縣嘗雪羅氏疑獄政務寬平拔取貧士能文者爲領案士論推之後任南河阜甯縣丞以善書爲總督薩河督李所重高堰五壩及河壩碑記皆其手書也生平廉俸稍餘輒以資戚友書史之外家無長物云

潘鈺字二如乾隆間方略館議敘授雲南普洱府景

溧陽縣志

卷十一

人物志

宦績

壽

東廳經歷軍功陞永昌府保山知縣縣有義倉田畝久爲豪猾侵佔十失其五鈺按圖執契一一追還之時遇販夫田父輒咨問地方利病民無隱情又嘗繕新

文廟程課生童不以遐荒苟且從事云

宋渭字晴川乾隆四十年進士授山東觀城知縣歲旱前令以秋成八分具報兼有帶征漕欸渭申請再三得分別停緩大名段文經作亂距觀城四十里渭多方堵緝密捕得鄰縣逆黨南樂人吳興國又有流民吳現者醉承同逆渭詳鞫獲免嘗以禁暴戢姦之道必先申嚴保甲懲汰捕役乃實力施行之仍修築土城以資備禦云

史國華字濟寰由舉人授國子監學正登乾隆四十五年進士第陞助教累擢吏部考功司主事文選司員外郎熟精銓計爲曹司所倚五十九年廬

蹕熱河明年以疾卒官國華工文善書書始學趙晚得蘇黃腴勁之概先後分校鄉會試門下士多躋清要者

史紹登字倬雲少穎悟善讀書膂力絕人援例試用雲南布政司經歷歷署雲南永昌二府同知南關通判藩庫大使乾隆六十年署開化府文山知縣向有門戶鹽戶給鹽而日取其值添丁必增老死不減至以數口之家納數十人鹽價紹登覈免之盡釋諸逋欠者於獄嘉慶元年從勒督軍營勦辦貴州苗匪姦民陳金山李克

溧陽縣志

卷十一

人物志

宦績

十一

明等烏合數萬乘間攻文山紹登率所部民壯五百人馳回一晝夜三百里至磨刀石遇賊手擊傷金山左臂獲之并縛克明餘賊遁走陞知雲州明年調赴邱北軍又調貴州大營解黃草壩之圍由巴茅河至章古前營合勦會文山猥作亂攻擊城池紹登復與力戰兩晝夜獲其魁羅培議敘超等軍功加三級三年文山水漂民田廬發倉粟并鹽菜銀兩賑濟之爲立生祠明年採辦廠銅紀錄四次尋以虧缺庫項將獲罪民相與聚謀設匱城隍廟號曰願代官償者神鑒之自里中豪下逮無賴爭赴入資三月如數紹登堅不受民自解省完納五年丁母憂督撫並留不遣七年服闋署維西通判生禽

逆首恒乍縑

賞戴花翎俟善後畢事將大用矣以九年八月嘔血卒時年五

十

狄穉字蒼實乾隆丁酉舉人由官學教習授陝西西鄉
知縣會教匪滋事穉承辦軍務兵民晏然以功擢定遠
廳同知再擢榆林知府時已得疾奉檄撫綏難民卒於
西安旅寓

溧陽縣志

卷十一

人物志

宦績

二十六

